

策吏曹判書李翹曰前日進言者不為不多而未施一事願先採用前日所陳人言左議政閔鼎重曰翹之言是也前日所陳人言豈無可採其中如軍制軍役變通事最為緊急即今國貧兵多實為難支之道馬兵外宜稍減其額且兩南田制紊亂今雖不可遽行量田而軍制軍役田制三事宜加聖念有所經度詢問有司決行之可也諸臣仍盛論軍制變通事翹曰戶布之議已有民怨以為欲除小弊而反生大弊此不可不念諸臣皆主難行之議獨戶曹叅判李師命力言其不可不行曰不然則行口布法可也上命再明招大臣三司入侍論難定其行否修撰金鎮龜請克去已私仍及內司宮家偏護之病上嘉納之翹又言守令之捕網常罪人者近有論賞之規似太濫矣上命後勿論賞掌令李彥綱正言尹世紀爭論姜萬鐵事鼎重等亦皆言可誅鼎重曰凡大辟君上亦不得任意惟從國人之論矣戶曹判書鄭載嵩獨曰初既以告變而恕之則到今誅之恐為未當彥綱等縷縷爭之上終不聽○以公洪江原兩道賑事方急命守令赴道內鄉試○壬午夜東南方有氣如火光○全羅監司申翼相以長興定配罪人李球置放秩政院啓曰賊鑛伏法之後球敢以希仲家事慘不忍言奈何奈何等語肆然筆之於書故論以護逆負國之罪至於流三